



大清宣統政紀卷十八

宣統元年己酉十二月丙子朔翰林院侍讀榮光奏各省已修鐵路請仿照京奉鐵路辦法安設巡警下郵傳部知之現月 丁丑

監國攝政王面奉

隆裕皇太后懿旨明年元旦皇帝毋庸行禮停止筵宴在外公主福

晉亦無庸進內行禮

現月

諭內閣禮部奏明年元旦禮節請旨

遵行一摺著停止升殿受賀

現月

軍諮處奏兩江總督擬裁江

甯混成協挑補第九鎮缺額餘遣歸各節查江蘇應練一鎮僅

成混成一協不如將該協撥歸江蘇以期迅速補練成鎮以符

九年預備期限依議行

摺包

戊寅諭軍機大臣等郵傳部會奏

議覆陝西巡撫奏籌辦延長油礦修築運路官辦商辦兩屬爲

難應請暫行緩辦一摺提倡商業爲當務之急著該撫體察情

形廣籌行銷一俟出油較旺即行議修運路以興實業而濬利

源現月己卯諭內閣朕敬維

列祖

列宗至仁極聖臨民敷政無時不廣開言路博採羣謀朕御極以來勤求治理於嘉言直諫凡有益於國計民生者罔不虛衷採納見諸施行即由該長官代奏者亦必詳加披覽酌核辦理惟近來建言諸臣其直言敢諫披瀝忠忱者固不乏人而懷挾私見及毛舉細故不知大體者亦嘗有之否則毫無建白緘默偷安甚負朕殷殷求言本意自此申諭以後朝廷寬其既往嚴其將來其有言責諸臣暨代奏抒誠進言者果能關懷時局爲國爲民條陳得當朕不但立准施行且加以獎敘儻敢如前不悛任意嘗試亦必予以懲處不貸用示廣納忠言勵精圖治之至意

現月

予故正白旗滿洲都統固倫額駙公符珍卹典

現月

庚辰

穆宗毅皇帝忌辰遣官祭

惠陵

事早

諭軍機大臣等有人奏視學官戴展誠等在湖北棋盤街

馳馬將老叟蹂躪斃命該視學官等安無所動亦不遵例報官等語著楊文鼎按照所奏各節秉公查辦據實覆奏毋稍徇隱原片著鈔給閱看尋奏此案係縣役陳亮因乘馬驚跳以致撞斃人命業經提案訊辦且肇事之時戴展誠等已先回寓實非意料所及應毋庸議報聞

廷寄

又諭電寄雲貴總督李經羲電

奏悉著趙爾巽飭知耿葆燿迅赴雲南永昌府任俟邊務稍鬆再行送部引見御史趙熙奏學部奏擬檢定小學教員章程妨礙教育下會議政務處議奏尋奏檢閱學部奏擬檢定小學教員章程以該御史所陳各節詳加考覈如所請行將檢定小學教員章程暫緩通行一節查章程第十四條內本有現在教員缺乏之時凡偏僻地方有略通經義算術者暫時准充教員

俟風氣稍開然後實行檢定之語是已早經籌及無庸另議又請另將課本訂定頒行已於議覆御史趙炳麟摺內酌擬辦法飭行惟所請於該章程後另加附條聲明此項檢定私塾不在其內一節查檢定章程私塾原不在內但公立私立兩等小學之經官立案者亦應照辦應由學部補行聲明又查章程內應受試驗資格專指舉貢生監而各處爲塾師者童生甚多亦不乏明通之士其中有通曉各項科學願充小學教員者亦准受試驗檢定以寬限制從之

現月

馬蘭鎮總兵耆齡因病開缺以

副都統蘇嚕岱爲馬蘭鎮總兵官兼管內務府大臣

現月

辛巳

孝惠章皇后忌辰遣官祭

孝東陵

早事

諭內閣孫寶琦電奏山東濮州知州蔣茲非刑斃命曹

州府知府王賡廷徇私溺職等語朝廷愼重民命停止刑訊不啻三令五申凡爲地方官者自當一體遵守乃署濮州知州蔣

茲於文童蕭春旺一案擅用非刑斃命實屬殘酷妄爲著即行革職歸案訊辦曹州府知府王賡廷於屍親迭次控告置之不理著一併革職聽候查辦以爲玩視民命者戒現月會議政務處奏東三省總督奏擬於圖們江上源自紅旗河以西北循省界南至石乙水中抱布爾湖里設一縣缺曰安圖縣建治於紅旗河西南岸又於松花江上源循下兩江以東上兩江以南盡緊江漫江流域設一縣缺曰撫松縣建治於下兩江東岸之雙甸子統歸新設之長白府管轄應如所請以資控制依議行包摺

四川總督趙爾巽奏籌辦廳州縣巡警粗具規模並設立巡

警教練所情形得旨著即認真辦理包摺又奏川省京餉協餉

需用甚鉅援案再辦宣統二年按糧銀一兩加津貼銀一兩以資接濟又奏巴裏塘等處徵收租糧照舊按年變價撥充邊務經費又奏關外鹽井地方試辦抽稅情形均下部知之摺外

務部奏美洲巴那瑪華僑被虐苦累擬設總領事官一員以資
保衛僑民添設二等通譯官一員二等三等書記官各一員以
資辦公依議行

包摺

賞日國瑞典丹國比國各外部大臣等寶

星有差 予故大學士張之洞督學四川政蹟宣付國史館從

四川總督趙爾巽請也

包摺

壬午諭內閣貝勒載潤之第一子

著命名溥佑

軍諮處奏各省遣派測量留學生並擬定章程

又奏陸軍留學生畢業回國時由派遣省分委用

早事

又會奏

黑龍江省巡防隊改編新軍查覈陸軍部定章已逾成立之期

限應請飭趕速籌辦均依議行

包摺

稅務處會奏議覆郵傳部

奏吉長張綏兩路購運機器材料免稅三年援案照准從之

現月

賞給游學專門列入一等之詹天佑魏瀚李維格鄭清濂鄺

榮光吳仰曾楊廉臣工科進士嚴復辜鴻銘伍光建王劭廉文

科進士張康仁法科進士列入二等之鄺佑昌李大受溫秉仁

盧守孟劉冠雄江起鵬工科舉人陳聯祥格致科舉人

現月 引

見州縣事實列入最優等在任候補知府陝西商州直隸州知州胡敬虞著以知府在任儘先即補

現月

癸未諭內閣周樹模

奏考察屬員賢否分別舉劾一摺黑龍江署呼蘭府知府留江補用直隸州知州黃維翰奏調補用知府王杜署大賚廳通判候補同知鍾毓既據該撫臚陳政蹟著傳旨嘉獎湯源縣知縣劉虞卿才具平庸性情貪鄙於任內自領殃荒轉售漁利被控有案拜泉縣知縣王明燄懦弱無能羣小用事認民婦爲義母出入衙門物議沸騰候選知縣朱建功管理軍械漫不經心捏寫帳簿浮冒侵蝕候選知縣熊恩溥查拏私煙詐贓受賄均著即行革職

現月

諭軍機大臣等電寄各省督撫岑春煊電奏悉

據稱近來各省謠傳外人有佔據東三省意圖瓜分之說湘省無知之徒發單開會滋生事端雖經示禁浮言仍不能免且謠

傳東三省日俄已訂私約東省人民驚慌並云俄法英有各處進兵之說果有此事朝廷豈能故示祕密絕無應付此等影響無據之言實係造言生事之徒布散流言希圖煽惑非特妨害治安且恐激起交涉亟應嚴行禁止如各省有發布傳單開會演說等事著各該督撫迅速解散倘有匪徒從中生事尤應加意防範嚴密查拏懲辦以遏亂萌而安大局并查實在情形迅速密爲電奏

寄電

又諭都察院代奏法部郎中陸觀麟條陳各部院調用外官留補京職應補交實銀呈一件著該部議奏

現月

山東巡撫孫寶琦奏青州滿營兵米因災緩徵不敷支放擬

請援案折銀給發得旨該部查核辦理

摺包

廣西巡撫張鳴岐

奏按察司署分設總務審判監獄三科治事又奏議定分區分期禁售土膏情形又奏開辦第二中等農業學堂蠶業科情形均下部知之

摺包

命貝勒載洵等收受俄皇所贈寶星

電寄

蠲

緩山東青城東平東阿濟甯歷城章邱鄒平淄川長山新城齊
東齊河濟陽禹城臨邑長清平原肥城平陰惠民商河濱利津
蒲臺鄒陽穀壽張荷澤曹鄆城濮范朝城聊城館陶魚臺膠靄
化滋陽益都博山臨淄博興高苑樂安昌樂安邱昌邑濰高密
即墨樂陵曲阜甯陽泗水鉅野觀城海豐淄川陵德德平陽信
滕嶧汶上單城武定陶堂邑博平茌平清平莘冠高唐夏津武
城邱金鄉嘉祥蘭山郯城費莒沂水日照壽光八十九州縣及
收併衛所各鹽場被災地方本年錢糧漕米有差包摺甲申諭
軍機大臣等有人奏安徽巡撫朱家寶查覆馮汝駉事件朋比
謾欺迄今未見覆奏等語著張人駿將此案迅即查明覆奏毋
得延緩原片著鈔給閱看寄廷又諭有人奏關道罪狀多端前
疏僅舉一節再列款糾參一摺著張人駿按照所參各節歸併
前奏確切查明迅速覆奏毋稍徇隱原摺著鈔給閱看寄廷東

三省總督錫良等奏清理盛京內務府財政又奏籌設八旗滿蒙文學堂八旗女工傳習所均下部知之

包摺

閩浙總督松壽

等奏浙省裁撤綠營騰餉編練陸軍所有提鎮以下各員悉予開缺別圖位置下所司妥議具奏尋軍諮處等會奏應如所請迅速編成一鎮以應期限其裁兵裁官一切善後事宜均責成該督撫等妥慎辦理從之

包摺

山東巡撫孫寶琦奏收回德商

勘辦沂州沂水諸城濰縣煙台五處礦產議廢合同並簽定條款下部知之

包摺

又奏釐定直省官制要義一確定督撫權限

特設責任專治以絕牽制一申明司道職守俾各有獨立責任而後督撫任事之範圍可以收縮裁局所併入司道增設參佐改差爲缺而後責任職權法可以實行一加重知府責任而其職權範圍則上據督撫職權之所不能逮下據州縣職權之所不能勝以定之一除州縣迴避之例確定登用資格嚴其選舉

以發達民政至官制精神全在任用懲戒兩法兩法不立職權
責任皆成具文擬請飭各督撫照臣所奏博訪周諮各陳所見
由憲政編查館資政院彙擇核定施行下憲政編查館知之

摺包

乙酉

德宗景皇帝升祔

奉先殿

監國攝政王代詣行禮

現月

監國攝政王面奉

隆裕皇太后懿旨明年正月初十日萬壽皇帝在宮內行禮王公百

官無庸進內行禮停止筵宴在外之公主福晉命婦均無庸進內

行禮

現月

諭內閣禮部奏萬壽聖節應否照案行禮一摺明年正

月十三日萬壽朕在宮內恭詣

隆裕皇太后前行禮王公百官均無庸行禮

現月

外務部等奏東三

省總督錫良等奏借款築路以興實業應仍由該督等與美國
借款公司訂立合同咨部核定至組織銀行另外借款應從緩
辦又奏議結滇匪擾亂滇越鐵路受虧賠償法國損失銀二十
萬兩作為收回天津軍糧城法國兵房之費並與法使商定設
立河內領事事宜均依議行

包摺

賞一產三男河南柘城縣民

妻張劉氏通許縣民妻田厲氏米布如例

報官

賑撫廣東佛山

新甯香山清遠從化永安翁源廣甯高明高要開平恩長樂等

廳縣被風被水地方有差

包摺

丙戌

孝和睿皇后忌辰遣官祭

昌西陵

事早

諭內閣禮部奏參讀祝官讀祝錯誤一摺昨日由

監國攝政王代詣

奉先殿恭奉

德宗景皇帝神牌升祔大典禮節隆重其執事各官宜如何謹慎將

事乃讀祝官景明竟將

祝版內讀作恭代字樣其任意錯誤非尋常疏忽可比景明著即行

革職發往軍臺効力贖罪以示懲儆

現月

護理湖廣總督楊文

鼎等奏鎮筭鎮標兵米例價不敷請在裁兵節餉項下支給下

部議

摺包

丁亥

孝德顯皇后忌辰遣官祭

定陵

早事

內務府奏恭辦要差需用款項請由部庫籌撥得旨著核

實數目再行具奏

現月

引見明保官在任候補直隸州知州邢

臺縣知縣岳齡得旨著在任以知府補用

現月

定太醫院院使

爲四品

現月

擢陝西陝安道沈潛爲湖北按察使

現月

戊子諭

內閣前經查明咸豐同治以來勘定髮捻回各匪文武大員之

子孫業已加恩錄用茲據續行查出各員自應一體施恩前雲

貴總督劉長佑之長孫截取安徽直隸州知州劉繩武著以知

府仍留原省補用曾孫知府銜儘先選用同知劉鶴慶著以知府選用前巡撫一等男爵劉銘傳之次孫候選道陸軍部郎中劉朝望著以道員即選贈布政使銜道員王鑫之長孫花翎同知銜江蘇補用知縣王禮恒著以直隸州知州仍留原省補用曾孫王傳薪著以主事分部補用前綏遠城將軍福興之長孫度支部郎中鐵保著以道員記名簡放前河南歸德鎮總兵一等子爵李臣典之孫李榮萼著以主事分部補用前浙江提督鄧紹良之長孫湖北候補通判鄧世勳著以直隸州知州仍留原省即補曾孫鄧守清著以主事分部補用都統銜前廣東副都統烏蘭泰之孫二等輕車都尉普霖著以員外郎分部補用曾孫世昌著以主事分部補用前署廣西提督甘肅肅州鎮總兵張玉良之長孫應襲騎都尉張錫恩著以直隸州知州分省即補前工部左侍郎呂賢基之嫡長曾孫承襲騎都尉兼一雲

騎尉湖北候補知府呂美璟著以知府仍留原省即補前漕運
總督袁甲三之孫度支部郎中袁世勳著以道員記名簡放前
都察院副都御史江西巡撫張芾之孫承襲騎都尉兼一雲騎
尉張澐著以直隸州知州分省補用前署貴州巡撫韓超之孫
湖北候補主簿選用知縣升用直隸州知州韓方樸著以知府
遇缺即選布政使銜前福建督糧道趙景賢之次子開復前廣
西柳州府知府趙淶彥著以道員分省補用孫江蘇試用通判
趙之聰著以直隸州知州仍留原省補用前雲南鶴麗鎮總兵
朱洪章之子應襲騎都尉朱桂著以主事分部補用孫朱家炯
著以通判分省補用前直隸提督郭松林之長子世襲一等輕
騎都尉兵部主事截取河南直隸州知州郭人凱著以知府仍
留原省即補前廣東等省巡撫蔣益澧之孫優附生蔣祖耀著
以主事分部補用布政使銜前江南道員溫紹原之嫡長孫溫

祖蘧著以主事分部補用曾孫附生承襲騎都尉師範學堂畢業生溫翺著以直隸州知州分省補用前署安徽廬鳳穎道金光飭之嗣孫應襲騎都尉兼一雲騎尉金鵬著以直隸州知州遇缺即選前護軍統領恒齡之曾孫法部主事蔭康著以員外郎仍留本部補用元孫志海著以主事分部補用前新疆巡撫一等男爵劉錦棠之子新疆候補直隸州知州劉國祉著以知府仍留原省補用記名提督前廣西右江鎮總兵張樹珊之子襲騎都尉兼一雲騎尉浙江候補道張雲逵著以道員記名簡放孫監生員外郎職銜張紹烈著以員外郎分省補用贈布政使銜升用知府前天津縣知縣謝子澄之子候選直隸州判謝觀瀾著以直隸州知州選用孫附貢生謝焜著以主事分部補用用示朝廷培植世臣激勵將士之至意現又諭昨日召見之承襲一等子爵廣西委用知府李長祿著仍以知府補用